

Sier Polo Donado, fo di Pregadi, qu.	
sier Piero	29. 144
† Sier Hironimo Grimani, è di la zonta,	
di sier Antonio procurator, ducati 2000	137. 36
Sier Orsato Justinian, el Cao dil Consejo di X, qu. sier Polo	61. 111
Sier Piero Lando, el governador di l'intrada, qu. sier Zuane	100. 72
Sier Marin Corner, fo provedador al sal, qu. sier Polo	52. 118

Consier dil sestier di San Marco.

Sier Alvise Barbaro, fo Cao dil Consejo di X, qu. sier Zacaria cavalier procurator, ducati 1000	64. 108
† Sier Francesco Corner, fo di la zonta, di sier Zorzi el cavalier, ducati 3000	108. 62
Sier Francesco Orio, fo avogador di comun, qu. sier Piero, ducati 2000	85. 85

Di Axola, di sier Francesco Contarini proveditor, di 9. Come il conte Alexandro Donado era andato a la volta di la campagna con 50 cavalli, et ito fin soto Brexa, et preso certe some di sal. Dize aver parlato a uno fante venia di soto Brexa, qual li ha referito l'Imperador esser a Lover e dover andar a Herban per andar poi a Bolzan, et che sguizari erano col signor Marco Antonio Colona a la volta di Lodi, e il nostro campo è in Milan.

Di sier Giacomo Manolesso proveditor, date in Axola, a di 10. Lauda molto domino Ruzin di Asola, si porta bene etc. Et per un'altra letera dil dito, data a Villa di Aqua Negra nel mantoan, pur a di 10, come il ponte di Lignago è compito, ita che ha reparato che si pol passar; e altre occorrentie.

74* *A di 14.* La matina, vene in Colegio l'orator di Ferara, et monstrò letere dil Ducha, qual à aviso esser zonto in Provenza 5000 lanzinech dil Christianissimo re mandava in Italia, et che veniva certo numero di lanze drio.

Di Milan, dil Griti et Trivixan, di 9 et 10, hore 5 di note. Prima, come hanno auto danari da Hironimo di Ada per le letere di cambio, et avisi l'Imperador aver auto da Bergamo ducati 4000 dil tajon, et di Val ducati 12 milia, et che l'era partito verso Ispruch e ordinato le strade per le artelarie; e

questo perchè si dice à 'uto li danari li ha mandà il re d' Ingaltera per dar a' sguizari, et lui li ha tenuti, et vedendo non poter far nulla si parte. *Etiam* par, li sguizari è nel suo campo, quali sono ancora a Lodi, habino auto comandamento da li soi di ritornar, et voriano le do page dieno aver et poi partir. *Item*, di la pratica nostri haveano con i lanzinech è nel campo inimico, par siano zonti a Milan numero . . . , et averano il resto fin numero 3000 *Item*, hanno aviso che il signor Marco Antonio Colona era partito da Lodi con la sua compagnia, per andar a trovar l'Imperador.

Di Franza, di sier Zuan Badoer dottor, cavalier, orator nostro, di 5 le ultime, date a Lion

Di Bassan, di sier Piero Antonio Morexi- 75 ni podestà e capitano, di 11. Come ha aviso l'Imperador a di 5 passò per Trento con cavalli 800 et 8000 sguizari dil suo esercito, et quelli haveano tolto la volta di Como per andar in Alemagna; et che Marti, a di 9, zonse li a Trento uno orator dil re de Hongaria destinato a l'Imperator, con cavali 10, el qual parti verso Verona il di seguente con scorta di fanti 600. *Item*, scrive esser zonto li a Bassan uno, qual parti Zuoba, a di 10, di Verona, a hore 19, referisse li esser *solum* fanti 300 ne le forteze e porte, et non vi esser alcun cavallo, et che i sono in gran spavento, et esser gran numero di guastadori che lavorano uno bastion a la porta dil Vescovo; et che era stà posto, per l'Imperador, una imposition di ducati 12 milia a la terra e teritorio a pagarla excepto i nobeli; dil che era gran mormoration ne li populi; et quella terra esser in gran penuria di vin, valeva il caro ducati 20, il formento lire 3 el minal, ch'è lire 6 di le nostre el staro venitian.

Da Vicenza, di sier Nicolò Pasqualigo podestà et capitano, qual manda una letera auta da Zuan Antonio Zen, di 11. Li scrive, aver che a Trento erano fanti 600 et 200 cavalli con il fratele dil Ducheto e il forzo di foraussiti di Milano, et che doman, a di 12, se aspetava fanti 3000 senza fallo, et ogni zorno si aspetavano di altri fin al numero di 15 milia, tra li qual 10 milia comandati dil contà di Tiruol; e si dicea li sguizari hanno voluto far tradimento a l'Imperador, et che erano stà presi 5 capi e fati passar per le piche di lanzinech; et l'Imperador esser a Brexa. *Item*, Mercore, a di 10, a Trento cargono 8 pezi di artelarie e le mandono zoso per l'Adexe. Questa letera dil retor di Vicenza, a di 12, hore 3 di note.

Di Spalato, di sier Mafio Michiel conte e